



JAARVERSLAG

2013 - 2014



Posbus / P.O.Box 194,
OUDTSHOORN,
6620.
Tel/Fax 044-2722580
e.mail : davesus@mweb.co.za
www.swdbiathlon.co.za

SWD TWEEKAMP: VOORSITTERSVERSLAG – 2013 - 2014

Graag lê ek my 24^{ste} voorsittersverslag voor. Alhoewel daar in die 2013/14 seisoen geen ernstige uitdagings was vir SWD Tweekamp nie, kan met reg genoem word dat daar vir sport in die algemeen heelwat uitdagings in die toekoms voorlê. Transformasie is die groot prioriteit vir die Minsiter van Sport, Fikile Mabalula, en dit gaan ook kwaai uitdagings aan SWD Tweekamp stel.

Daarbenewens het die 2014 SA Kampionskappe op Potchefstroom allesbehalwe die beeld van tweekamp bevorder – die onder-standaard aanbieding deur Noordwes Provinsie gaan dalk nog lank by ons spook! Ook gaan befondsing in die toekoms nie makliker word nie. Tog is ek baie positief oor die toekoms van tweekamp. By die onlangse Strategiese Beplannings Bosberaad wat deur die bestuur van SA Tweekamp in Stellenbosch gehou is, is heelwat vernuwende geluide gemaak wat tweekamp verseker gaan bevoordeel. So gaan die 0/15 seuns in die nuwe seisoen 1500m ipv 2000m hardloop en is die 0/15 tabelle aangepas om in lyn met die res te kom.

Op die plaaslike vlak beplan SWD Tweekamp egter groter dinge en met die Kangogrotte as die ankerborg en ondersteun deur die Groter Oudtshoorn Munisipaliteit en die Weskaapse Departement van Kultuursake en Sport, kan tweekamp in die SWD net groei!

39^{ste} SA KAMPIOENSKAPPE 2014 - POTCHEFSTROOM [David McKinnon]

Dit was voorwaar 'n voorreg om as spanbestuurder op te tree vir die 2014 SWD Tweekampspan na die SA's. Hoewel ons 'n relatief klein span was voel ek dat ons ons goed van ons taak gekwyt het en dat die span voorwaar trots kan wees op hul prestasies.

Voorafreëlings:

Ons reëlings voor die kampioenskappe het redelik vlot verloop en daar was geen ooglopende haakplekke nie. Met Dave van der Walt aan stuur van sake is dit seker te wagte. Ons moes wel 'n paar spanlede se betalings opvolg nadat die afsnytyd reeds verstryk het. Daar was 'n paar aanpassings op getalle vir die verblyf en vervoer, maar gelukkig kon ons almal gemaklik akkommodeer.

Ons plan om 'n oefenkamp te hou het minder suksesvol verloop met min spanlede wat daarvoor opgedaag het, hoofsaaklik weens toetsreekse en ander sportverpligtinge.

Span:

Ons het drie onttrekkings gehad nl: Margi O'Connor - Sy het om mediese redes onttrek en 'n doktersertifikaat is ingedien by registrasie; Leon Uys - Hy het eenvoudig nie opgedaag in Potchefstroom, en het geen rede verskaf nie; Tanya Lingenvelder - Sy was weens ander sportverpligtinge genoodsaak om op kort kennisgewing te onttrek.



Front: A. Lategan; O. Botma; S. du Preez; J. Borrett; M. Kotze
2nd Row: C. van Wyk; Y. McKay; D. Barnard; D. v/d Walt; A. McKay; D. McKinnon; J. Windt
3rd Row: B. La Grange; T. Pollicutt; D. Horne; W. Human; H. Kiely; H. Visser; J. Borrett; L. v/d Westhuizen; A. Grobber; J. Meyers
4th Row: C. Le Kay; M. Barnard; E. Pretorius; A. Kleynhans; M. du Plessis; A. Kritzinger; G. Marais; A. Vermeulen; M. van Biljon; C. Kritzinger; J. Wales
Back: Y. du Plessis; R. Boer; P. Keller; M. Pio; T. Cornelius; H. Vermeulen; A. McCallum; J. le Kay; M. Steyn

Uitslae:

Hier kan genoem word dat Trisha Pollicutte en Selma du Preez 'n 2de plek gedeel het by die 0/11 dogters. De Wit Bothma was algeheel 4de en Deon Horne 5de by die seuns 0/11. Johan Windt behaal 'n 2de plek by die meester mans en May du Plessis is 3de by die dogters 0/19.

Reëlings by SA Tweekamp:

Ek verstaan dat sekere sake buite die beheer van die organiseerders was, maar my algemene indruk was dat dinge nie enduit beplan en/of deurgevoer is nie. Die verskuiwing van venues vir die hardloopitems sowel as die funksie was verseker vir elke spanbestuurder 'n uitdaging.

Die baan en fasiliteite daar, was myns insiens nie op SA Kampioenskapstandaard nie en is ook as sulks uitgewys deur verskeie ouers. Die organiseerders het ook nog tot op die laaste nippertjie rondgeval om infrastruktuur en toerusting in plek te kry. Die swembad se wegspringblokke was nie standardhoogte nie en die muur vir omdraai in die 100m was te glad, heelwat swemmers het gegly met die wegskep na 50m.

Die venue vir die dinee was groot genoeg om almal te akkomodeer, maar toegang vir die spanbusse was moeilik en spanne moes ver loop om by die saal uit te kom. Die funksie self het vlot verloop, maar was nie juis die klimaks waarop so 'n byeenkoms moet afsluit nie.

Akkomodasie:

Ons het in die koshuise van Potchefstroom Boys High gebly. Die verblyf was gangbaar, maar ons moes eers kla oor die toestand van die badkamers en sommige van die slaapperiewe voordat dit aangespreek is. Mens sou verwag dat dit vooraf uitgeklaar sou wees en dat ons op aankoms geen rede sou hê om te kla nie.

Vervoer: Ons vervoereëlings was goed, ons het bykans op tyd vertrek en die busbestuurder het deurentyd verseker dat ons baie veilig gevoel het en gemaklik was. My dank aan Chris van Pony Express hiervoor.

Aanbevelings:

Dit was my eerste SA Kampioenskappe as spanbestuurder en ek het baie geleer en kan nog nie werklik baie aanbevelings maak nie. Ek dink dat ons beslis moet kyk om ouers/spanlede se eposadrese bo en behalwe selfoonnommers moet kry om enige laat veranderinge effektief te kommunikeer.

Ons spanlede wat met die bus gereis moes self planne maak vir middagete op die dag van die kompetisie, miskien kan ons kyk na 'n kospakkie om te verseker dat hulle iets voedsaam inkry tussen deelnames.



SPANBESTUUR & KAPTEINE

[Agter: Chris van Wyk, Yvonne McKay David McKinnon, Johan Windt. Voor: Abigail McKay & Dylan Barnard]

ONTWIKKELING

Tenspyte van die goeie Ontwikkeling wat in die SWD gedoen word, wys die span na die SA Kampioenskappe nie die verteenwoordiging nie. 'n Goeie ontwikkelingskursus is wel aan by **Langenhoven Gimnasium** aangebied waarby



Die ontwikkelingskliniek het alle verwagtinge oortref – daar is beplan vir 40, maar 61 het laat weet hulle kom terwyl uiteindelik slegs 52 opgedaag het – steeds ‘n goeie opkoms vir ‘n ontwikkelings- tweekampkliniek in die SWD. Die organisering is gedoen deur Dave van der Walt, Voorsitter van SWD Tweekamp en die hulp van Tian Stemmet van Langenhoven Gimnasiun aangesien die swembad in Bridgton nie gereed was vir gebruik nie.

Die aanbieding is gedoen deur Chris van Wyk [swem], die Ontwikkelingsbeampte van die SWD en bygestaan deur Johan Windt [hardloop] Daar was ook 6 afrigters wat die kliniek bygewoon het. Aan die einde van die kliniek het elkeen ‘n kospakkie ontvang en twee belowende atlete is aangewys vir aansporingspryse aan die einde van die kliniek.

Daar word hard gewerk aan ontwikkeling in die SWD, maar dit blyk dat die ontwikkelingsatlete nie werklik deurkom na die vlak waar ons hulle graag sal wil sien nie.

ZOAR PROJEEK

Saam met die Zoar Sportraad het SWD Tweekamp ‘n ambisieuse langtermyn ontwikkelingsprojek aangepak om tweekamp op die platteland te ontwikkel. Dit word gedoen met die ondersteuning van SWD Tweekamp en die Wes-Kaapse Departement van Kultuursake en Sport. Tenspyte van logistieke probleme soos die beskikbaarheid van die swembaddens op Ladismith en Calitzdorp, het die groep van 30 atlete puik ontwikkel en sien ons uit na die volgende deel van die projek. ‘n Addisionel bedrag is deur DCAS beskikbaar gestel om die projek volhoubaar te maak. Ons hoop data aan die einde van die projek dit die poging die moeite werk gaan maak. Groot dank egter aan Christel Johannes [Zoar Sportraad] en Karin Hermanus [Projekleier] vir hulle aandeel in die sukses daarvan.

SWD Tweekamp beplan om ‘n soortgelyke projek in samewerking met die SANW op Oudtshoorn aan te pak en onderhandelinge is alreeds aangeknoop.



INTERPROVINSIALE BYEENKOMSTE

SWD het die afgelope jaar weer aan twee interprovinsiale byeenkomste deelgeneem – OP Interprovinsiaal [Okt 2013] en Kangogrotte Interprovinsiaal [Febr 2014]. SWD het dit aangebied met OP en WP en BOL as vennote. In albei gevalle het ons atlete goed presteer.

OP INTERPROVINSIAAL – PORT ELIZABETH [26 Okt 2013]

Die naweek van 26/27 Okt 2013 het die KANGOGROTTE SWD TWEKAMPSPAN aan die OP Interprovinsiale Byeenkoms in Port Elizabeth deelgeneem en die seisoen op ‘n hoë noot begin deur nie minder nie as 10 tweekampmedaljes en 17 Biathlomedaljes te verower ten spyte van ‘n groot groep van die top atlete wat nie kon deelneem nie. Die weer het ook nie lekker saamgespeel nie en die byeenkoms het in gietende reën plaasgevind. Die SWD-span het dan ook tweede na die OP geëindig met Grens in die derde plek en Vrystaat vierde.



GROTER OUDTSHOORN MUNISIPALITEIT/KANGOGROTTE INTERPROVINSIALE TWEEKAMP [1 Feb 2014]

Die 23ste GROTER OUDTSHOORN MUNISIPALITEIT/KANGOGROTTE INTERPROVINSIALE TWEEKAMP het Saterdag 1 Februarie 2014 op Oudtshoorn plaasgevind. In die verlede het hierdie byeenkoms as die Highgate Interprovinsiale byeenkoms bekend gestaan. Atlete van 7 provinsies het in tradisionele Klein Karoo-hitte deelgeneem en uitstekend prestasies was aan die orde van die dag. Die Burgermeester van die Groter Oudtshoorn, Raadslid Gordon April, het tydens die opening almal welkom geheet in Oudtshoorn en almal versoek om gebruik te maak van die geleentheid om die Groter Oudtshoorn se wonderlike besienswaardighede te besoek.

Van Suid-Afrika se top tweekampatlete het ingeskryf en die provinsies gebruik graag hierdie byeenkoms om aan hulle spanne vir die SA Kampioenskappe wat vanjaar 4-5 April in Potchefstroom plaasvind het, te skaaf. Die KANGOGROTTE, ankerborg van SWD Tweekamp, het weer spesiale aansporingpryse aangekondig vir elke SA rekord wat verbeter word, maar dit het toe nie gebeur nie! Die enigste byeenkomsrekord is deur die SWD-atleet Johan Windt, opgestel.

Meer as 400 atlete van 7 provinsies [WP, OP, Boland, SWD, VS, NWK en Griekwas] het deelgeneem. Dit maak dit naas die SA Kampioenskappe die grootste tweekampbyeenkoms in Suid-Afrika. Die spankompetisie is weer gewen deur BOLAND gevolg deur WP in die tweede plek, OP derde en SWD vierde..

Die top atlete van die byeenkoms is:

- | | | | |
|--------------------------|----------------|-----|------------------------|
| • Junior Victor Ludorem | William Kruger | BOL | 2326 |
| • Junior Victrix Ludorem | Kelly Vroom | WP | 2345 |
| • Senior Victor Ludorem | Johan Windt | SWD | 2298 [byeenkomsrekord] |
| • Senior Victrix Ludorem | Ilse Beukmand | BOL | 2498 |



NUWE VERWIKKELINGE

Tydens die onlangse Strategiese Beplanningswerkwinkel van die SA Bestuur op Stellenbosch [23 Aug 2014] is tweekamp in Suid-Afrika in diepte bespreek en belangrike besluite is geneem. Die volgende kan genoem word:

- 0/15 Seuns se hardloopafstand word nou 1500m i.p.v. 2000m;
- 0/15 Seuns & Dogters hardloop se puntestelsel ook aangepas;
- Meester Mans & Dames se swemtye word ook aangepas om meer in lyn te wees;

BESONDERE PRESTASIES

SWD Tweekamp is in die besonder trots op die volgende prestasies:

- Johan Windt wat by die SWD Sport Awards 2013 in November laasjaar aangewys is as die SWD se Lifetime Achiever van die Jaar. Hy ontvang ook in Desember 2013 die Weskaapse Legends Award vir sy bydrae tot Tweekamp in die Weskaap en Suid-Afrika! Baie geluk Johan.
- Stefen McKay met sy toekenning van sy SA Honoris Causa-kleure van SA Tweekamp;
- Chris van Wyk met sy verkiesing to voorsitter van SWD Moderne Tweekamp;
- Dave van der Walt met sy verkiesing tot Vise-President van SA Tweekamp.

FINANSIES

Die finansies van SWD Tweekamp is gesond soos aangedui deur die geouditeerde state wat deur Alice le Roux Ingelyf gedoen is. Groot dank aan die Bestuur wat ten spyte van die hoë finansiële druk net die beste vir die SWD-atlete doen en die kostes so lag moontlik hou. Dank moet ook gaan aan die Wes-Kaapse Departement van Kultuursake & Sport, die Kangogrotte en Groter Oudtshoorn Munisipaliteit wat deur hulle finansiële ondersteuning dit moontlik maak.

BEDANKINGS

Graag wil ek van hierdie geleentheid gerbuik maak om net die volgende persone en instansies te bedank:

- Alle ouers, onderwysers, afrigters, borge en belangstellendes wat dit vir SWDTV moontlik maak om te vorder;
- Aan die SWD Bestuur vir die flinke wyse waarop hulle tweekamp in die SWD bedryf en die tyd wat hulle opoffer asook die ondersteuning wat hulle my as voorsitter gebied het;
- Aan al SWD se borge en vriende;
- Mnr George Botha van KLEIN KAROO, vir die borgskap van die waentjie;
- SASKO vir hulle borgskap van sambrele & kazebo's tydens die KG-byeenkoms;
- Die Departement van Kultuursake en Sport van die Wes-Kaap, en in die besonder die plaaslike SWD-kantoor [Dirk v d Westhuizen] vir finansiële en fisiese bystand;
- Aan alle skole en klubs wat hulle beywer vir die ontwikkeling van ons sportsoort;
- Aan al ons atlete wat so getrou die ligabyeenkomste bywoon;
- Aan die munisipaliteit van Oudtshoorn en ander instansies vir die beskikbaarstelling van hulle fasiliteite en geriewe;
- Aan my gesin wat maar altyd bereid is om aan die agterste speen te suig;
- Aan ons dierbare Vader wat ons die krag en genade gee om hierdie taak te verrig.

Ek dank u.



Dave van der Walt
Voorsitter